

潞安府志目次

第一卷

星野

第二卷

疆域

里鎮

第三卷

沿革

第四卷

山川

水利
橋梁

第五卷

城池

公署

第六卷

形勢

關隘
驛遞

第七卷

廟學

書院
羣祀

第八卷

風俗

物產

第九卷

田賦

貢篚
鹽法

倉儲

第十卷

古蹟

陵墓
寺觀

第十一卷

紀事

祥異

第十二卷

封建

第十三卷

節鎮

第十四卷至十六卷

職官

第十七卷

名宦

政績

第十八卷至二十卷

選舉

徵辟貢士

封廕仕進

進士例仕

舉人武科

第二十一卷

人物

名賢

第二十二卷

人物

忠烈文苑

儒林

第二十三卷

人物

孝義

潞安府志卷之三

沿革

聖人畫野分疆以度地居民都邑之建置卽以考政治之得失此志地理者所以必覈沿革也潞之沿革載于國史秦漢而降遷割不常名寔莫定有明中葉改州爲府屬縣有八

國朝因之於乾隆二十九年復裁平順而隸以長治等七縣是誠萬世不易之規矣作沿革志

唐虞夏

潞安以潞水得名路史謂黃帝封炎帝後於潞後別爲

赤白之狄於唐虞時九州屬冀十二州屬并或曰長子之邑因丹朱而名然固不可考矣

殷

爾雅九州蓋商制也地屬冀有黎國後漢志謂壺關有黎亭文王戡黎卽此漢之壺關兼長治境若今黎城則後魏分潞城所置潞地應爲狄土黃氏謂上黨黎城壺關三縣皆古黎國地者非殷季都朝歌爲畿內地北魏志壺關有微子城相傳微子之封在焉

周

職方氏河內曰冀州其川漳其浸汾潞地固冀州之域

周初長子爲辛甲封國其東北則黎侯地也後爲赤狄

潞子所逐晉滅潞立黎侯後併於晉其見於春秋傳者

有臯落氏甲氏留吁鐸辰皆赤狄別種及茅戎之徐吾

氏皆在境內在晉則有長子

左傳注長丁丈反漢志注長讀作長短之長

純

留

左傳注純音屯史記竹書俱作屯

銅鞮壺口爲今府屬銅鞮爲襄垣

之北及沁州南界壺口則黎城也荀林父敗赤狄於曲

梁杜氏注在廣平上黨記則云在潞城西十里今名石

梁至戰國時長子

竹書作尙子

屯留初屬趙襄垣相傳爲襄

子所築後併於韓爲上黨戰國策又謂之兩上黨上黨

者荀子謂之上地舊志謂居太行之顛地形最高與天

爲黨也上黨遠于韓而實近趙秦拔野王鄭道已絕馮亭以上黨歸趙有城市邑十七

秦

昭王四十七年攻韓上黨上黨降趙四十八年北定太原盡有韓上黨地莊襄王四年王齕攻上黨初置太原郡始皇并天下分天下爲三十六郡置上黨郡通考今上黨高平樂平陽城等郡是也後魏書謂秦治壺關城水經注謂治長子按漢因秦制則謂治長子者近是

漢後漢

漢興因秦制度至武帝兼夏周之制凡十三部置刺史

不常所理上黨郡屬并州所統縣長子屯留余吾銅鞮

沾涅氏襄垣

莽曰上黨亭

壺關泫氏高都潞猗氏陽阿穀遠

凡十四今府境得其五蓋壺關兼長治地潞兼黎城地也余吾則爲屯留地銅鞮爲襄垣北界猗氏爲長子屯留西界泫氏高都陽阿今入澤州府沾涅氏入遼州穀遠則入沁州也後漢亦爲十三州部并治晉陽上黨郡屬焉在雒陽北千五百里省余吾凡十城治長子後魏書謂董卓作亂治壺關城按光武建武六年封景丹子尙爲余吾侯而郡國志無余吾謂凡今所不載者皆世祖所并省也而注謂余吾城在屯留縣西三十里是余

吾省入屯留矣

魏晉

後漢建安十八年并州省入冀州後又分上黨立樂平郡魏黃初元年復置并州晉武帝旣平孫氏凡十九州并州上黨郡治潞縣及屯留壺關長子洺氏高都銅鞮涅襄垣武鄉統縣十今郡境得其五與銅鞮之半洺氏高都屬澤州府涅則遼沁二州所屬地武鄉則遼州地也惠帝時劉淵僭號于平陽并州之地皆爲漢有至劉曜徙都長安地入石勒初以河南等郡及廣平上黨諸郡爲趙國罷并朔同三州通置部司以監之後分置武

鄉郡則今沁州武鄉也及慕容儁破冉閔地入于燕上黨治安民城在今襄垣城北十里後徙治壺關城苻堅滅燕地入于秦及慕容永據長子所統郡八爲慕容垂所破北魏皇始元年平并州遂屬北魏

北魏

北魏析置州郡載於魏志者前後爲州一百有八并州之上黨郡所領屯留長子壺關寄氏寄氏卽二漢之猗氏也晉景明元年改又分長子寄氏置樂陽爲縣五皇始元年郡徙治安民太平眞君中復治壺關延和二年因石勒武鄉郡地去武復置鄉郡領縣四襄垣銅鞮與

焉建義元年又置襄垣郡分鄉郡之襄垣爲郡治分鄉郡之銅鞮置五原分上黨之屯留置建義及刈陵爲縣四刈陵卽晉潞縣地真君十一年改後屬俱并州

北齊後周隋

北齊天保末州九十有七郡一百六十六仍爲上黨廢屯留長子樂陽及襄垣郡後周滅齊多有省廢通計州二百一十一建德七年分上黨郡置潞州又于襄垣置韓州大象元年以潞州上黨郡爲代國隋文帝開皇三年廢諸郡尋以戶口滋多析置州縣煬帝併省改州爲郡置司隸刺史相統治凡郡一百九十上黨郡隸冀州

刺史統縣十上黨長子潞城屯留襄垣黎城涉鄉銅鞮沁源也上黨舊置郡開皇初郡廢有壺關縣大業初復置郡廢壺關入焉長子開皇九年置曰寄氏十八年改長子潞城屯留俱開皇十六年置襄垣後周之韓州大業初州廢黎城則後魏以潞縣被誅遺人置開皇十八年改名黎城涉鄉銅鞮沁源不盡屬府境不具考

唐

高祖改郡爲州太守爲刺史又置都督府以治之太宗分天下爲十道景雲二年置二十四都督以統之旣而罷之開元二十一年又因十道增置十五採訪使如漢

刺史之職潞州上黨郡屬河東道採訪使前大都督府

治焉開元十七年置郡統縣十上黨望壺關上長子緊

屯留上潞城上襄垣上黎城上涉銅鞮武鄉先是武德

元年以襄垣黎城涉銅鞮鄉置韓州貞觀十七年州廢

縣皆來屬武德四年析上黨置壺關天祐二年更潞城

曰潞子黎城曰黎亭

五代

唐自至德二載始置節度使大歷元年賜相衛六州節
度號昭義軍建中元年徙昭義節度于潞州俱詳節鎮
僖昭以來日益割裂後唐莊宗初起并代有州三十五

潞州在焉梁末帝時屬梁改曰匡義歲餘唐滅梁改曰安義晉復曰昭義漢周因之俱治潞州

宋

宋至道三年分天下爲十五路天聖析爲十八元豐又析爲二十三河東路隆德府大都督府上黨郡昭義軍節度太平興國初改昭德舊領河東路兵馬鈴轄兼提舉澤晉絳州威勝軍屯駐泊本城兵馬巡檢事本潞州建中靖國元年改爲軍徽宗崇寧三年以潛邸陞爲府仍還昭德舊節縣八上黨望屯留上襄垣上潞城上壺關中長子中涉中黎城中黎城天聖三年徙治涉之東

海安府志 卷之三
南白馬驛熙寧五年省入潞城縣元祐元年復

金

金置十四總管府爲十九路潞州隸河東南路天會六年節度使兼潞南遼沁觀察處置使縣八上黨倚壺關屯留長子潞城襄垣黎城涉貞祐元年升涉爲崇州以黎城往隸四年復爲縣興定五年復爲州

元

元立中書省一行中書省十有一中書省統山東西河北地爲路二十九潞州爲下州屬河東山西道宣慰使司司之晉寧路元初爲隆德府行都元帥府事太宗三

年復爲潞州隸平陽路至元三年以涉縣割入真定府
以錄事司併入上黨縣領七縣上黨下壺關下長子下
潞城下屯留下襄垣下黎城下至元二年併涉縣偏城
等十三村入黎城三年省屯留入襄垣十五年復置

明

明洪武初年仍元制後乃盡革行中書省置布政使司
分領天下府州縣又置十五都指揮使司以領衛所
漢諸軍潞安府初爲潞州洪武二年以州治上黨縣省
入直隸山西行中書省九年直隸布政司領縣六長子
屯留襄垣潞城壺關黎城嘉靖八年二月升州爲潞安